

松龕先生詩集

松龕先生詩集卷上

題朱生甫司馬先澤吳門送別圖步册中錢辛楣宮詹韻

爲愛瀟湘一段秋騷人游覽入南州定知柔櫓輕搖處無數詩囊
壓小舟

一麾猶憶跨征鞍湘水衡雲次第看

余以丙申年出守
澧州取道湖南

今日烽烟銷盡

否岳陽樓檻已凋殘

時湖南寇亂初
平湖北尙未靖

朱生甫司馬以先澤太行秋影册子索題步册中原韻三首

風騷遺蹟手頻摩却憶青牛此舊過

湖東先生曾
任交城少尉

吏隱還同梅福早

詩才應比鬪仙多一時名輩爭酬唱

湖東之管山右張船山法
梧門諸前輩皆有詩送行

兩世清操

入巷歌棠愛重留唐魏土殘碑墮淚鬱嵯峨

文孫績學苦編摩京國前番載酒過唾手青雲君未晚搔頭白髮

我偏多雙松廳事誰哦句故李將軍許嘯歌相對頻看腰下劍太
行一脊認巍峨

蘭芽茁秀又肩摩雛鳳高翔千仞過畫省簪毫推俊父粉曹列宿
見英多鼻比未撤仍談藝濁酒頻斟且放歌

生甫主講上黨
書院時招余飲

巖桂留人

香滿座小山招隱望峨峨

朱生甫屬題先澤太行秋影圖內有徐禮菴詩黃谷音和之
蓋以險巖門奇者因用其韻贈生甫叙上黨團練事且以索
和

寓客有如君閒居有如我朝局無仔肩臥遊奚不可粵寇忽跳梁
時事關心頗投筆起徘徊號召先閭左教伍集健兒幟文翩婀娜
雉堞鞏金湯鱗原靖烽火指困有諸賢無憚餼糧裹萬戶靜喧譁

羣神安侑妥短後日馳驅臯比安能坐君本吳會英高情斥庸瑣
晉土卽粉榆務使平無跛我仕曾三黜壯懷徒礪礪衡命來乘郭
馬革志未果與君左右手忘形如袒裸所望吳楚平報捷馳雲朵
金甌自渾全蕩盡羣么麼

陳劍芝同年擢粵西觀察將有嶺表之行追憶昔年宦轍所
經賦長篇送別

我昔遊桂林山川猶在目君今赴嶺南萬里馳輪轂試以我所經
爲君徐往復夏口掛輕帆岳陽泛臚舳浩渺湖水平灣迴三十六
九面望衡山綠水瀟湘複南道走零陵漸觀奇峰秀

永州山形已似粵西

全州

粵門戶舍舟還就陸

水路可達桂林惟斗河淹滯特甚故仕宦多由陸路

夾道多喬松疎枝雲自宿

全州之南驛路皆植松高至十餘丈

最憐幽絕處桃花間修竹過此爲興安湘灘泉一掬

湘灘本一源出興安縣北流爲湖

兩流爲灘因一水而相離故名

勝絕嚴關口奇山茲焉伏如筍如浮屠雙

角或如鹿平地不相連遙瞻似林木行人入其中迷途互相逐竟

疑八陣圖不止川中獨行行及桂林城垣山所築風洞爲北門回

凸排崖谷

北門在風洞山峽

峩峩獨秀峰蒼黛如膏沐

獨峩在城中秀平地拔起

圍圍周四

圍一拳天際巖城西象鼻山連蜷舒不縮

山在水中似象鼻船出其間

中間過估船

張帆展蒲幅南行駛八杆

粵西船皆雙桅交縛作八字形謂之八杆船

下瀨波洄泐木棉爛如

錦杜鵑紅簇簇猿猴攀懸厓小石時翻蹴天半忽槎牙萬笏攢如

鏃聘貽問舟人陽朔固耳熟舟過幃江亭峭壁懸清蕭

陽朔縣城在江夾之謂樓榜曰

岸兩峭壁

極目望峰巔仙靈氣紛郁過眼留雲烟宛然畫可讀粵山

此最奇餘者無庸瀆

粵西山水之奇至陽朔浦而止餘無足觀

君是漢循吏仁風周蔀屋爲

政三十年除莠植嘉穀唐魏千里間到處人民育我因乘鄩來喜

見人如菊苔岑氣誼深笑談時捧腹君今奉簡書豸繡紆章服
帷五嶺間猿獠胥蒙福羔羊節素修何患食無肉彼土經瘡痍哀
鴻嗷百族兵氣雖已銷喚咻賴人牧知君能撫綏賣劍還買犢偕
登衽席問左右資餽粥政成君亦暇看山涉林麓奚囊定不虛新
詩且盈軸作詩送君行舉觴歌百祿

是時楚氛未靖赴粵須取道蜀黔再賦一章盡意

楚江烽火尚漫漫迂道應知行路難杜宇聲中雲棧遠

取道四川之閬中重慶達於烏

江竹王祠畔月光寒

歷貴州之思南鎮遠達於古州即入粵西之懷遠縣

王尊按部羞回轡新息征

蠻且據鞍五管定歌來已暮早修尺素報平安

德風亭

在潞安府署相傳唐玄宗爲潞安別駕時所構

潞州古郡太行脊有亭翼然名德風太守官舍闕且敞後有小邱

可以寵時構此亭宜遠眺五龍山色來空濛

山在城南二十里

俯看墻外田

似野芄芑禾黍歌年豐此亭遺址傳唐代年歲云在景龍中當時

明皇爲別駕龍蟠泥淖方厄窮王孫乃爲冷官屈料難裘馬誇豪

雄誰憐生日無湯餅典將牛臂煩阿忠

明皇王皇后寵我一日泣訴曰不配阿忠脫紫牛臂爲三耶生日湯餅乎上爲

惘然王忠后之父也

經歷艱難非不早詎曰寡人生深宮奈何一代稱英主開

元天寶異初終韓休既罷九齡貶弄權楊李蒙其聰鎮日打毬無

諫疏有時擊鼓稱天公沈香亭畔清平調傾城酣醉一枝紅遂使

胡兒萌異志漁陽鐵騎盡彎弓潼關忽斷平安火蒼黃下殿走蠶

叢豈非盈滿生怠荒何如貧瘁抱謙沖回憶監州爲未吏始願又

豈及崇隆我來弔古長嘆息高吟拄頰送雙鴻

贈澤州陳淮生太守

太行一脊摩星斗河內在左河東右此地自古稱巖疆控扼端資
賢太守君家累葉紆紫青偃僕銘鼎相傳久裘馬安知輕且肥禿
筆殘書時在手磨穿鐵硯事未成粉署爲郎軼儕偶一麾望望出
長安砥柱析城來綰綬吏行冰上人鏡心陰雨膏遍東南祀前年
粵寇忽跳梁馳突三河如瘦狗野王城外陣雲屯天井關頭游騎
走郡兵寥寥不滿百吏民失色都箝口使君談笑自圍棋密運奇
謀警羣醜其時相助有諸賢陳劍芝司馬
李曉亭大令號召良家多赳赳山頭列
炬萬人呼劇賊汗流逃恐後由此境土獲安全不輟耕男與織婦
事後論功君不居守土幸獲占无咎豸繡頒來自九天君乃拜手
稽首受我來乘鄣望清塵筆札時時商可否合將師友溯淵源論
交何必在杵臼今年君自太原來乃得從容接杯酒意氣豪邁無

古人胸懷洞達空諸有東南半壁寄長城非君誰任此重負行看
雄職擢烏臺載咏皇華駢四牡

上黨卽事留別諸紳士

太行側畔又驚秋惆悵駒光駛不留敢道諸君皆健卒頗哀老子
得遨遊蒼茫獨立誰青眼憔悴行吟已白頭建立功名須少壯何
人仗劍覓封侯

揭竿嘯聚蠢荆蠻誰射天狼弓一彎鞞鼓未休三楚地烽烟已靖
兩河間汾淮脫劍班師早

謂僧

絳灌擎旗戰血殷

謂吳楚諸將

露布何當

摩盾鼻行看干羽格苗頑

從來表裏有山河天險纔容一騎過

濟源西界有隘曰封門口一夫當關之地
即漢志垣縣所謂郟鄏之關也本讓殷守

於此河東道張鷟生因其地係河南所轄防兵
出境須加鹽菜銀兩棄而不守賊遂由此窺入

揖盜西來誰主閫棄軍北去盡投

戈

都司玉恒先避
守備景亮隨之

紛紛塞路黃巾滿

賊由絳縣入平
地遂不可制

藉藉填渠白骨多

平陽曲
沃兩城

屠戮
最多

逸寇緩追眞恨事
路人指點說摩訶

賊由摩訶嶺東窺許
逗留未進托將
軍孤軍遇賊致受
鎗傷賊遂由磧

出窟

崢嶸百雉控東南
卒伍寥寥見兩三
遣騎探營來午夜
登陴授甲

有丁男

時潞郡無防兵
鄉勇團勇皆登城
守禦賊使間遣人
探之知有備遂不
敢犯

回車斷限眞奇計

西關行店有鐵釘
三萬餘鑿連夜搬

運入城賊視者誤
以爲火藥不敢攻
城故以殿官斷門
限爲比

衆志成城豈妄談
乘郭自慙無異策
五龍山

下漫停驂

儒流何自習戈鋌
披髮纓冠不讓先

舉貢生監在團練
局者數十人皆
自備資斧時歷二
年勤苦不懈

且脫

青衿衣短後羣操
白梃競居前指困
盡出倉箱米解橐
爭輸子母

錢

紳士捐銀前後
共二萬餘兩

紳民余爲先後上
請

分別奏
得蹟叙

漢京名族重諸馮嬰鑠於今見是翁

馮亦東太守屯留人年七十餘引疾家居奏派辦理防堵郡城練局其所倡率

去

病忘家能破虜

亦東居屯留之風儀鎮聞賊已東來馳入郡城守禦賊過風儀家人星散財物盡爲所掠

郅都鄣塞且從戎

甘棠已植京畿遍

亦東官直隸四十年到處有遺愛

大樹還移里社中猶憶鄭瀛頻剪

燭

東堂先叔守河間亦東以辦堤河各工數數來郡余時在署常得陪談

咨嗟往事意何窮

師道難同臣與微武城避寇詎云非

朱生甫學廉主講上黨書院賊將至感動避去生甫不肯與諸生並招鄉勇日夜守

城

皋比未撤先投袂書帛纒成已解圍松樹雙陰哦廨舍

生甫因防堵勞績以同知

選杏花十里望郊畿

生甫明春仍上公車

匡時未許安閒散渡口還看羽扇揮

自嗟廿載濫吹竽嶺海周迴數剖符孤負恩施成棄物安排農圃
老窮途桑榆已迫傷遲暮葵藿徒殷奈槁枯但祝金甌渾無缺躬
耕十畝效征輸

蜀葵花俗名鱮鱮花北方到處有之有淡紅色一種花葉皆

似木芙蓉但草本耳戲名之曰草芙蓉綴以二首

不到秋江上芙蓉見一叢嫩紅朝迥雨疊翠晚搖風挺節還疑竹
裁圭宛似桐嘉名今肇錫檢點入詩筒

牆陰連井畔到處茁修莖不貴緣多見相輕爲易生黃蜂衙正開
粉蝶夢初成旅館能娛我看來倍有情

留別劉魯汀大令

我爲閩吏十四年與君未識徒想像論交杵臼今伊始却緣乘障
來上黨煦物陽和春氣溫處懷皎潔秋月朗絃歌小邑稱神君蚩
蚩常以兒子養前年劇寇走邢洛汲汲巖疆憂伏莽屯兵列戍正
紛拏司農無錢屋徒仰君乃號召下里民萬戶同響應如響畫疆
守望不相侵井田遺制聊師仿

和頌大小十三口君以數
村守一口防堵極其嚴密

領袖還招弟子

員短後還爲百夫長

團練局生員數十人
皆分任各口巡防事

稷勑棘矜森無數大呼殺賊

臂同攘制梃原可撻秦楚矧此么磨如罔兩聊固吾圉已二年未
有錙銖糜國帑我與君爲左右手相見恨晚悵曠曩晉國山川在
咫尺愧我空疎竟憊恍君乃示我地理學剖析古今如指掌春秋
戰國迄元明沿革分明毫不爽水經酈註証源流志乘紛紛安足
獎前有二顧與朏明君乃與之相下上令我茅塞豁然開如飲醴
翻愛朝沆怪君心腹與人同如何乃有十丈廣其中積書數萬卷
蠹魚難飽空怏怏荒落我同沒字碑待君鐫刻留標榜方今四海
望澄清謀議孰如君倜儻畫沙聚米更何人安危此才還須仗士
元區區宰百里驥足未展技徒痒嗟我蒲柳已衰殘瘦骨冷坼欲
扶杖願君攬轡騁康莊盡安反側銷強獷他時旄節過并州故人

人陋巷駕宜枉，虞卿窮愁有著書。君當阿好一欣賞。

張秋屏太守擢四川鹽茶道賦詩送別

原平君舊治

今梅縣乃漢原平縣

遐邇稱神君，我爲閩中吏。口碑遠傳聞，言君

善折獄，白黑劃然分。當君未到時，訟牘投紛紜。君到裁數月，乃將

筆硯焚吏胥，忽不樂盤殮。久無葦居，停半肩。戶蜘蛛雜飛，蠶聞庭

花自落，舒嘯歌南薰。河潤逾九里，蒙福及榆枌。鄉民爭尺土，虞芮

難解紛。君來爲指畫，兩造胥欣欣。

五審詳鄰村鄉民爭地訟數年不決，委君來勘片言而定。

更有覆盆

冤滅口，埋孤墳。君因鞠他獄，鉤距乃云云。淫凶竟伏辜，歡頌溢河

濱。

五百有姑與人在殺婦滅口之案，官以自戕報正兇。逃往樟縣，因別事訟繫君廉得其殺人事實之法。

憶昨歲癸丑，我從并州軍

與君獲相見，雅意良殷殷。真氣豁城府，宛是蘭臭熏。醇酒飲公瑾

一酌已半醺，叩君何以治。君言惟清勤，沽名求異術，不免治絲棼。

此語我心折服膺常斤斤今君承帝簡豸繡揚朱幘褰帷試週覽
行穿棧道雲西蜀俗強穰稂莠賴鋤耘孔明與乖崖治譜留清芬
火烈勝水懦古訓誠慙慙人言君長者我知君逸羣鋒鏑自藏斂
出匣有龍文至仁在果斷霜雪澄埃氛願以斯言獻持之當一芹
祝君成政化劍外勒殊勳行看秉節鉞重來渡河汾

秋晚觀稼

紛鋪五色畝南東多稼如雲一望同漠漠川原留夕照垂垂禾黍
動秋風豐穰自足銷兵氣禍福何勞問塞翁柘菊荒蕪良可念徘徊
天末送歸鴻

瀋王城

在瀋安府城內

瀋州之城過百雉其中強半田可耕內有土垣周數里云是明代

潘王城

在城內西北隅
周迴約二里許

前開牆罅爲門戶瞰之隴畝列縱橫風軒月榭

今安在華池曲沼已填平更無瓦礫留遺迹止有禾黍占雨晴當

年建國在遼水靖難之後乃移并

潘王初封在遼東之潘陽水
樂六年徙封潞安國名仍舊

簡王實繼

高帝子

潘簡王模明太祖
第二十一子

隆準有類父與兄衆建屏藩磐石固剪桐一葉

留宗盟特築此城興百堵崔嵬正殿遠飛甍高樓聳攢嶽雲雨洞

房窅窅殊幽明王官陪隸肅朝位

明制守土官皆
以朔望朝潘王

高冠長劍玉鏘鳴後

宮羅列燕趙女良人八子爭趨迎振振公姓日蕃衍支庶都分茅

土榮

明制宗王得分王子弟故簡
王以下分王者二十餘人

尊賢好禮傳家範詩歌翰墨多閒情三

百年來稱善國翩翩儒雅黜驕盈

府志潘遵禮守訓世有令德無奢華之習
康王憲王裕王皆好文學有著作傳世

一

朝流寇來關陝萬馬奔騰夜有聲嚴城不守賊騎滿嗣王面縛悲

裸程

潘王迴洪以崇禎十二年襲封流寇入
晉城破爲賊劉宗亮掠去不知所終

可憐一炬成焦土何來綺疏與丹

楹曩日樓臺歌舞地，祗今阡陌有人行。溯從護衛裁奪後，宗藩守

府如寄生。由崧遂爲福祿酒。

賊破洛陽殺福王由崧，雜鹿肉烹之謂之福祿酒。

聿鍵一旅斥編氓。

齊王聿鍵起兵勤王，懷宗故爵，出祭之。郟城陷，脫身南走黃道周等迎之於閩。

當時廢食徒因噎，高煦宸濠煩徂征。但

憂吳楚成尾大，竟無晉鄭效忠貞。大厦旣傾餘燼滅，五王嶺海空
支撐驅除止爲興，朝用原非人力所能爭。弔古茫茫百端集，剪燭
頻將濁酒傾。

秋夜二首

夜永難成寐，將眠又啓扉。疎星低入樹，涼露暗侵衣。憂國慙無分，
悲秋客未歸。悶來還剪燭，詩筆爲頻揮。
行年過六十，萬事付飄萍。扶老貪葭朮，驅愁借醪醑。敢爲雙眼白，
聊對一鐙青。四壁蛩音起，悠然倚枕聽。

感懷雜咏五首

面目久不識攬鏡乃自知鬚髮十白九守黑惟雙眉耳鳴蟬隱隱
齒豁無豐頤壯也不如人矧乃年已衰棄置勿復道飲酒及芳時
少小弄柔翰書史窺一斑有時騎欵段繁弱未能彎簿書猶攢眉
何堪甲冑擐粵寇俄作孽躑躅兩河間城門與池魚利害原相關
粉榆豈不惜難爲桑者閑慨然衣短後投身卒伍班馬革誠至願
其如氣力孱烽烟漸寢息長吟歸故山

憶我通籍時朝野歌天保東觀抽秘書西臺焚諫草作郡出長安
人羨致身早五嶺逮七閩綿綿馳遠道讀書未讀律常愧官聲好
無何海波揚樓船致聲討復漳當其衝防衛周羣島

道光二十年晉汀漳龍道沿海各島

港皆設防

遠夷行受撫市舶羅環寶燧髻性難馴重譯虞顛倒

道光二十二年抵閩擔任

奉旨辦通
商事務

包荒賴聖慈覆載歸洪造任重智乃昏算多謀未老終因

撫馭乖分應書下考

咸豐元年閩撫任內因
辦夷務未協內召改官

三黜從寬典疚愧縈懷抱剖

符十餘載囊橐空如洗太僕厠朝列重索長安米班生行登仙咫尺瞻雲陛數馬石慶勤鷓班陪濟濟發憤乃上書狂愚人所詆何幸邀咨俞帝謂乃心啓褒嘉有綸綵感激投五體芻蕘見採納念之長零涕

昔年嘗珥筆未獲與文衡一揮作外吏此事已無成泄恩頒異數輶車賦遠征吏久愧荒落猶幸心未盲烏道盤秦棧巴江繞蜀城既覽山川秀耳目多清瑩煎茶局試院開網羅羣英豈徒珍綺麗將求律度精孤芳見採摘所得頗知名使事既已畢吏議斥編氓

因前在閩撫任內失察軍
台官犯脫逃部議革職

幸補生平缺何惜拋簪纓曲終還雅奏豈曰非

奇榮

高鳥東南飛倦極思故林宦遊二十載鄉里乃重臨松楸幸無恙
故老杳難尋儕輩都頽白問之稔其音少年無一識歲月何駸駸
里中執經者就正多悃忱知我老學究師事懷虛心臯比坐未煖
羽檄頻相侵奉命當一面馳驅力難任甲寅二月奉旨督辦潞澤
防堵院上黨已一年有半且復倚
長劍何暇理素琴邇聞賊氛遠解嚴韜霜鏗乘鄩固當已懷歸思
不禁臺山近可望冉冉白雲深

太行綿亘上黨之東險隘林立述其在路安境內者示朱生
甫

太行走北幹山勢何巖岈河內與上黨兩界起峰巒潞州扼其吭
形勝留不刊壺關漢名縣大河流急湍

大河村爲壺關東南
衝要東通河南林縣

新舊兩窟

隴五丁鑿奇觀

大河村之西有新窟鑿窟窟鑿山爲洞以通道路長至百餘步

其北爲玉峽高嶺路紆盤

玉峽關在縣東北中隔銷軍嶺極險峻

桃花隔兩園斗絕不容攀

桃園梯在玉峽東北花園梯在玉峽東南路險仄僅通行人

林慮

近可接望之雲漫漫

林慮山在林縣境內與靈關諸山接連

再北爲潞城虹梯空際蟠

潞城東數十里鑿石爲磴盤迴十餘里闊僅二三尺行人無敢騎而過者其地設有巡檢

鳥道迴百折投足欲走丸樵蘇尙

彳亍何人敢據鞍奇險由天造一夫可以完下有茱蘭岩峩峩石

劍攢岬愕怖行旅羣吟行路難

茱蘭岩在虹梯關之東十餘里地亦險要

黎城古建國式微

詩所歎東瞰吾兒峪壺口舊安瀾雄關有遺趾雉堞半凋殘

東陽關在黎城

東二十里地名吾兒峪即古之壺口建關之地名王侯嶺跨山爲壘大半殘缺

坡陀高數仞山澗紆且寬行人樂坦易

戍守苦漫汗地利無可恃常憂兵力單

晉雷東界惟此口平坦易行無險可恃非重兵不能守咸豐三年粵賊即由此

出窺椒園與石背要隘煩控搏

椒園園石背底皆在東陽關西北與涉縣交界行行渡漳水古道走

邯鄲

出東陽四十里即至涉縣再東即武安邯鄲

我行來乘鄣被命試師干請纓雖有志無如

氣力殫聚米愧未能括地借詩壇佇聞吳楚捷環瀛普又安

遼州五隘有序

遼州險隘甚多要者有五余皆親行履勘繫之以詩告後來

之乘郭者

雲頭底

在遼州城南九十五里爲清漳出峽之地與河南涉縣接壤山澗紆寬無險可扼非重兵不能守其地山形最奇俗名人頭底余以其名不雅改曰雲頭

桂林之山天下奇武夷之山奇兼秀我昔游覽歎觀止二者寥寥

空宇宙今年匹馬走轅河

遼州瀋涅氏縣地後漢末置轅河縣

恍來嶺表逢其舊嶺阜崎

嶇路屈蟠避暑宮前關岩岫遠望惟開一線天卻如穴中兩鼠鬪

高歡避暑宮在州城南數十里俗名高歡堂稍南峭壁夾峙關僅丈餘地名中家峻

過此山石變橫紋奇形怪狀都奔湊

遼州南境之山石皆橫紋上生奇巖怪樹余所見聞之武夷蜀之劍閣皆如此

嶺頭拱立或如人嶺半攢拳恒似獸橫

看旋轉成螺髻側似孤危同鶩堦何來天半朵雲垂又疑絕壁重

樓構鮮斑苔印雜青蒼一皺一皺皆瘦透潭轅合并駛清流白石

磷磷堪枕漱

漱水至此
含清涼

花明柳暗見孤村一縷炊烟時復逗駐馬多

時看不足惜此奇尤生僻陋若教移置近名都蠟屐雕鞍遊恐後
正如石隱有高人匿跡逃名無所就我因從軍來上黨倏忽之間
成邂逅心頭眼底默寫藏宛如讀畫消清畫人生遇合有天緣愧
無好句爲君壽

黑龍洞

在遂州城東南一百一十里路通武
安爲賸小徑總口地係數城所轄

黑龍何處來此山爲窟宅古洞藏深井其深不知幾千幾百尺窺
之黝黑似有風怒號兒童不敢投以石夏雲擘絮走雷霆此井倒
流忽噴射奔騰落澗競喧逐一條白練界青碧黑龍在何許無形
亦無迹但解利農田時時降雨澤此地屯兵亦最宜萬徑千蹊亢

可搯安得猛士來當關奮戟一呼皆辟易

黃澤關

在遼州城東南一百二十里路通武安屬晉豫兩省通衢地勢如鳳凰之首兩旁夾以深溝鑿道從龜首之右曲折而下所謂十八盤也以大石從巖邊滾下萬人亦不能過此地影之最險者其地設有巡檢

黃澤關行旅何班班萬年神龜鎖灼不得死化為土石昂首懸崖
巨壑之中間一徑蜿蜒盤領下如縮秋蛇往復還百人守之惟磔
石萬夫到此亦難攀地險如斯不易得尙勿覩之作等閒

大摩天嶺

在遼州城東一百二十里路通武安遼州各隘此最高險其右有小摩天嶺故以大別之

一峰高插天去天惟一握磴道盤迴十二里行人牛喘汗如濯數
行數息到峰前片石峩峩如筍角左轉平行出峰背仄徑灣環愈
綿邈俯看深澗千百尋我頭岑岑似風簪稍東山四開一罅寬不
逾丈纔容幄雄關有遺址鐫題何卓犖

舊名峻極關爲豫晉分界之地明萬歷間建有門闕舊遺石廂尙存

此一綫臨深澗何人走馬能橫裂守以巨礮卒百人萬騎雲屯且
踰踔如何勝國當季年夜半賊來人不覺明末闖賊以二千人夜
度摩天嶺人無覺者乃知地
利賴人和古訓昭然宜善學

抓角嶺

在遼州城東北一百二十里
由平地入深澗路通邢襄

平地忽下陷巨壑深無底磴道人所成其高逾五里盤迴數十折
登攀困行李人馬蟻旋磨頂踵接層累其上列營屯地險良可恃
備多患力分揮鐮斷其趾居人苦哀乞云此通鹽米輿情難遽拂
修復聊任彼余初令掘斷磴道以省兵力居
民以負販不便爲准其修復利害無兩全何言成與毀

夢見亡女潭生

生於閩之
涼州故名

應門五尺少男丁弱女扶牀學過庭緼負携持千萬里巫醫調護
十三齡嬌癡初拜堂前月搖落何堪曙後星已付達觀憑幻化夢

中呼我淚偏零

白髮蕭蕭歲月侵向平心事杳難尋慰情聊比陶公酒識曲誰調
蔡女琴早道曇花成一現何如枯木老千林姻盟枉自稱冰玉每
顧東牀思不禁

上黨團練與陳劍芝同年經營一載幸得蒞事行將遠別作

詩以叙其事

我昔蹢躅來上黨欲呼將伯旁無友與君一見針芥投相須乃如

左右手維時守望已經年裹糧告竭行扣缶

潞安練局已一年捐
資糧竭將請撤防

東望

烽烟苦未熄無術點金嗟掣肘

時直隸山東
賊氣正熾

俠骨幸有朱公叔

謂生甫
李廉

與君灑泣同開誘鄉人感憤出金錢同澤同袍仍固守君本廉吏
囊無錢募合武夫皆赳赳蒼頭特起眞異軍跳盪縱橫盡彪吼

劍
芝

府署別練義
勇技擊甚精

其中頗有賁育儔
藐視劇賊同芻狗
爲酬死士典衣裘
萬金散盡家何有
有么磨殄蕩境宇
完與君幸獲占无咎
君今褰帷
赴嶺表我亦騎驢返林藪
劍芝擢粵西觀察將行余亦因防堵事鉞將旋里
此後相見知何年
彼此幡然兩老叟
努力加餐互勉旃
路歧牽袂徘徊久

重陽前三日

寒侵衣袂露爲霜
幾處亭皋木葉黃
落日孤村散鴉鵲
暮烟衰草見牛羊
悲秋宋玉長吟望
把菊陶潛自徜徉
未插茱萸鄉思起
聊儲斗酒待重陽

秋深涼夜正超超
坐對青燈轉寂寥
纖月一鉤低欲隱
繁星千點靜疑搖
攤書拉雜幾成獺
和韻支離笑續貂
漫說壯夫羞小技
可知白髮已飄蕭

輓同年武次南方伯

寥落晨星一榜中而今又失紫髯翁書來已覺衰機見

前年得其手書字跡飄唐心憂

其計到俄悲舊雨空雅量自能副腰腹

君偉軀碩腹

天真端不異童蒙

君性

率真無城府

隻鷄斗酒何時致訊問聊頰塞上鴻

君大同陽高人

白雲亭畔靜無喧獄到于公自不冤

君在刑部最久治獄稱平恕

誰道爽鳩偏尙猛

且看馴馬爲開門閩中司筴煩籌畫

君爲福建鹽道正值甌務疲極甚贊學

江左編氓賴

普存最羨急流知勇退蘇閩杯酒憶清言

余辛亥入覲君爲蘇藩已決計引退未久即告歸

九月望前步月

霜氣澄天宇冰輪乍到庭蒼烟沈夕照碧漢浸稀星雜沓書堆案

橫斜菊滿瓶睡鄉難可到指引借湘醺

讀書倦臥

識字多憂患勞勞入夢魂待將拋卷冊何以度朝昏到處支禪榻
隨時覓酒樽安心無別法面壁總忘言

哭王鶴舟大令

名文晉河南光州人道光辛巳舉人知安徽建德縣甲寅城破殉難

彈琴小邑抱恫瘝斗大孤城匝萬山蛇豕平吞天塹失

時皖省江北半爲賊擾

鶴

鵝不見陣雲閒

時建德無守兵

登陣誓衆朝鳴鼓殺賊羣呼夜守關

君與士民憑城固守

賊屢攻不能下

遮蔽江淮誰與共空教南八乞師還

君屢告急援兵不至

蜂屯蟻聚勢披猖力竭空拳更欲張取義但憑三尺劍

君以城破巷戰死

告

天曾薰一爐香壯懷不辨風塵色正氣能扶日月光千里故人慙

後死南瞻憑弔淚雙行

門牆著錄幾多時儒雅風流到處師

君初爲景山教習後爲鄂州學正從學者甚衆

衙鼓聲稀開

講座訟庭人靜設臯比政成屢見豐年兆數定難將浩劫移循吏

忠臣應合傳還看褒卹有專祠

弋陽共硯憶當年

君于遊光君從受學與余同筆硯者二年

假館春明割半甍

道光丙戌丁亥君與余假館於尙書阿寶

甫家同炊兩較

下第劉蕡頰獻策折腰陶令竟揮絃奇文自合名山貯大節

還同皎日懸論定蓋棺君自足追思舊雨倍潸然

哭吳甄甫師

北渡連檣未許停磨牙吮血惻生靈中流擊楫軍聲壯漢上橫戈

戰血腥

坤江北郡縣半屬賊漢公督師渡江擊之

詎料連營遭一炬坐看屬地隕長星

公乘勝進勦賊夜劫

於陣

招魂頻向南天望黃鶴樓前霧雨冥

乾坤正氣賴支撐憂國頻年白髮生笑比河清肅僚案

公半乘嚴峻言笑不苟

令如流水活疲氓七閩樾蔭留歧海三楚棠陰遍列城

公梅閣二年撫江右三年撫浙

三年由鑿貴揭督移湖廣

自愧禰衡勞薦牘西州慟哭爲吞聲

道光辛丑有曾明保公以名首登薦牘

陽城衛淇園同年以秋日感賦詩見寄依韻和之

近事我所知有詩未脫稿讀君感賦篇慨念庸人擾奸民虎負岬

蒙茸尾不掉山頭望廷尉王章視殊藐

首標爲趙連城李振河王發國

我憂玉石焚乞

恩言了了宏開三面網名法蠲徼繞

象展向院司乞恩准其投首最從末減助贖百端終不肯從

狂且冥

不悟搏膺如摯鳥妄言勇無敵脅從惟恐少對壘狎官軍自詡強

哉矯鄉愚懾積威執挺隨旂旒

在冀龍風神廟脅從近萬人用鎗礮旂幟與官軍對敵

鎗礮轟如雷

飛走窮林抄

官軍進攻黃龍廟鎗礮擊斃百餘人餘皆逃散

懸崖墮婦嬰溝壑填耄老可憐耕鑿

氓燎原如枯草作孽數狂夫無辜背茶蓼因念古循良赤子常懷

抱撫字寓催科何至煩誅討寬猛得其宜恫瘝時在抱稂莠早耘

鋤嘉禾罔枯槁寄與司牧人踐踏留叢篠

飲酒偶成用東坡送碧香酒與趙明叔元韻寄王英齋卽求

和章

我本山中一麋鹿野性何知慕卿相三載歸田百事休垂涎惟有
思佳釀醉後高談不自由恒慮灌夫得嘲謗南望風塵苦未息聞
鷄踏破梅花帳枯腸芒角怒欲生恨不鯨吞倒瓶盎惟當筮笠安
耕鑿黍肉還甘童子餉

側聞吳楚氛甚惡顛危扶持賴彼相焚掠縱橫四野哭搶攘誰將
和氣釀君澍膏雨數十年未有一言速官謗正當拯溺救燎原何
遽歸來眠紙帳草笠芒鞋走山澤時覓幽花植盆盎與君相約汗
漫遊白衣送酒誰相餉

立冬日作

夜半得微雨朔風聞怒號攬衣覺凜凜寒氣侵毫毛黃葉飄蕭下

雜沓飛林阜三時既已歷搖落隨蓬蒿獨有畦中花秋來抽嫩條
密葉敷蒼翠宛同春日驕一朝遇寒凍萎敗如焚燒嗟爾生何晚
未榮先已焦溫肅有時令彭殤若自招試瞻山上松凌冬獨後彫
稟氣得貞固霜雪莫能搖此理可微悟淡靜留孤標

頃乘障上黨有留別諸紳八詩路人泐石以當紀事余小欄
大令見而和之再疊前韻奉酬

脫劍歸來又一秋河汾教授此淹留藍輿欲做陶元亮下澤還同
馬少游射虎殘年付杯底送鴻極目過峯頭要離塚畔堪埋骨不
羨人間萬戶侯

昔時乘障禦烏蠻繁弱曾經試一彎島嶼分明蚊窟裏波潮上下
熬帆間百年已見華顛禿一跌常驚赤轂殷頭腦冬烘今若此且

憑鄉里笑癡頑

俄驚蟻穴潰全河遍地黃巾躍馬過車疏渡江空擊楫魯陽酣戰
幾揮戈側聞淮北完城少悵望江南戰壘多誰比關張能馘賊擲
將鉄硯憶摩訶

跳梁羣盜躡畿南烽燧遙連晉土三險扼太行陳甲士城環潞水
誓丁男白衣詎識韜鈴秘赤幟空傳載籍談幸值鯨鯢全就戮清
涼山下有歸驂

山城撤戍靖戈鋌仙吏車來甘雨先虛竹自生心舍內閒花紛落
訟庭前分無餘料支馴鶴剩有空囊選大錢官瘠民肥非創論誰
搜夾袋薦高賢

下車攘臂久嗤馮失馬何須問塞翁樸社有詞嘲匠石竹林何處

著王戎升沈已作雲烟過身世全歸夢幻中獨繫神交惟偃室曲
高難和意何窮

塵生甌釜突烟微爲吏貪廉孰是非濁酒聊堪償夙債新詩定許
破愁圍循聲久已騰當路卓薦尋看入帝畿他日甘棠有遺愛部
民詩筆擬重揮

含溪高咏似笙竽例比蘇州綰郡符冷淡無妨作生活詩騷何必
定窮途梅開何遜吟方苦花夢江淹筆已枯詰屈東方良足晒壇
塲角韻愧全輸

三江竹枝詞

閩江

南臺盡頭江海環長橋直跨不作彎橋東海船高似岸橋西却上

竹崎關

篋篷重疊遮太陽惟有船旁露水光
鴉鬢青衫水中照何似蘇州
嬌小娘

石尤風緊不開船山頭濃綠照娟娟
行客自愁儂自喜船中還住
兩三天

水口沿村集暮鴉送郎登岸莫嗟呀
歸時相訪南臺路不在船中
卽在家

珠江

五羊城外水連天海珠

海珠城外小島

一粒大如拳無數玻璃水光晃知是

新添河泊船

妓船名河泊船有河泊所大使司之

風浪無憂繫木鐸艙門三洞有層階
素馨毬子懸羅幔盆蘭分向

雨邊排

短衫白袷淨無瑕
綉出連枝五色花
宿醒未解怕梳洗
勉自摩挲兩鬢鴉

昨宵送客花埭

花埭在城北十餘里

東歸來却又阻南風
小舟一葉來相傍

鮮摘得荔支紅

浙江

溯流西上是長山
南望仙霞聳髻鬟
衢州城外雙流合
江山船在綠楊灣

順流兩日到蘭溪
船家欸客幸維難
阿嫂彈箏攘皓腕
阿妹酣歌未及筭

七里瀧過江水平
遠山疊疊翠眉橫
富陽城外沙如雪
暗潮作響

已三更

隔江塔影認錢塘停橈相送淚雙行憑君莫道西湖好爭似之江
意思長

苗刀歌

三更風雨昏如墨鬼車滴血聲啾唧簷際鴉鷓哭且笑燈光如豆
眼光黑壁間劃然起白虹萬怪百靈一時匿意恐寶刀忽飛去摘
置枕旁始安息寶刀由來出苗洞苗人赤脚著布裙生兒賀禮悉
以鐵積鐵多多無與分待兒長成作刀劍千斤百斤鍊一斤秋水
沈沈愁鬼魅青花隱隱起龍紋苗人佩此走深箐斷虺斬鹿如鋤
耘我聞昔在乾隆季奸宄揭竿臺灣地嘗調苗兵助征勦苗人奔
走隨旗幟官軍縱擊萬人呼自天而下飛突騎

林爽文之亂前此白人無
馬海公隨察以百騎渡海

賊窟見披靡
所向無敵

苗兵助戰各揮刀寒光一瞥頭顱墜
血流入海海水赤
燎枯折朽曾何異事平凱撤已多年此刀遺落入坊肆我昔作吏
來七閩偶得一枚意所珍裝以寶匣金作飾時時拂拭燦如銀一
從教授歸鄉里低頭日弄毛錐子壯氣全消肺病多蕭蕭白髮垂
兩耳卽今豺虎滿江淮仗劍從軍多壯士據鞍顧盼獨無能反問
頻來徒髮指每聞人喚故將軍不覺汗流頰有泚空留此刀隨我
身刀乎刀乎吾負爾

擬行路難

陸行忽登舟風波瀕洞使人愁水行又登陸山路崎嶇傷馬足
豺啼猿嘯不可聞貂裘已敝空瑟縮不如歸去閉柴門敗絮自擁他
膾粥

奮起忽投袂坐對妻孥不快意獨騎健馬如游龍經歷山川全不計西過崑崙東至海南窮交趾北幽薊崦嶮漸迫氣力衰白髮蕭蕭垂耳際挪揄徒受少年欺天涯遍走成何事

猿臂能挽強手拈僕姑射天狼天狼乃以千萬計呼羣嘯侶勢猖狂矢盡弦絕甚矣憊歸來止有空拳張太息我無封侯骨分應白頭爲走卒

引錐刺股股流血徹夜呻吟不能絕中宵發篋得陰符頓覺風生口中舌取得金印大如斗阿嫂膝行况阿婦一朝白刃割腹中金玉錦繡亦何有何不學仙從赤松冉冉白雲生戶牖

空中比翼鳥失偶不能飛山中驅蹶獸獨行何所歸仗劍出門千萬里度越山河快無比忽焉臥病羈旅中瘦骨支牀不能起此時

念我同心人參商遙隔不相親拋骨郊野何足計知音未遇一哀
呻

大塊發噫氣南北東西不可知老樹勁竹隨之偃况乃弱草能自
持人生踪跡故無定云有主者知爲誰錢刀屑屑藏囊篋兒孫乃
笑爾翁癡胡不斫鱸沽美酒燕姬歌舞及芳時

西施未膏沐東施理晨妝偕立偕行百步外妍媸誰與辨容光娥
眉謠詠古所慨畫工空自誤王嬙何如椎髻自行汲頭插蒿簪裹
布裳

皎皎天上月所照非一處人在窗櫺間待月昏至曙但願照已不
照彼往昔褊心知誤矣願分清光百分一開我心顏一何喜無端
天際片雲來手持長帚掃不開他家自明妾自暗形影不見空徘徊

徊露冷星稀聞禁鼓歸宿空房淚如雨

松龜先生詩集卷下

題趙丹臣畫雀

杏林著雨數枝橫，瓦雀羣飛趁落英。
煖意催來千百轉，歡情並作兩三聲。
綠階芳草鋪仍淺，夾路梅花糝未平。
爲勸提壺頻喚起，買春誰向陌頭行。

謝石珊屬題山水畫軸

我昔揚舲衡嶺畔，恍然忽遇米家山。
松杉布滿沓濃翠，上下一碧烟雲環。
斧劈披麻無著處，宛如潑墨絹素間。
乃悟襄陽畫畫筋時，湖瀟湘見一斑。
信手揮來作畫稿，並非有意殊荆關。
睹君此幅用米法，彷彿九面望孱顏。
河北之山半枯瘦，見此畫法生謗訕。
安得與君載美酒，再放扁舟明月灣。

再題山水小幅

老樹翻紅葉蒼然已報秋山平隱苔蘚水靜見鳧鷖簑笠時還往
漁歌自唱酬閒窗風月好卷軸爲頻抽

初到平陶設帳閒吟學放翁二首

如雲意氣竟何爲一笑歸來只自嗤老不能耕聊借筆心無所用
漫裁詩鳥聲細碎隨風度花影迷離趁日移早悟投閒有清味罷
官已悔十年遲有清味一作多樂事

官職聲名兩索然半存癡點得天全狂花直待無風定病樹何勞
著雨偏一日拋書魚失水有時思飲驥奔泉獨嫌家室猶多畫安
得排雲學散仙首句一作宜海名場兩索然

夜夢早朝二首

一從放逐遠長安，洛風塵久未彈。
鳳闕忽通千里路，貂裘仍怯五更寒。
似聞吳楚天戈捷，又道江淮露布刊。
宵旰憂勞何日已，夢迴孤枕淚洶瀾。

壯年曾忝鷺鴛班，嶺海馳驅數往還。
葵藿向阡雖自信，蓬蒿作柱總嫌孱。
時難詎敢謀歸臥，年邁端應得賦閒。
誰掃摟搶天宇，肅夜闌頽望斗牛間。

讀元遺山詩二首

閩統金源氣厭遼，中州文獻總寥寥。
詩篇賴有斯人在，半壁猶堪敵宋朝。

生平學杜皮兼骨，偶效蘇黃亦示奇。
禾黍故宮歌代哭，淚痕多似少陵詩。

寄呈壽陽相國二首

憂國年來鬢早霜，扶人勉拜乞祠章。
夢魂仍伴紫薇省，杖履何心綠野堂。
共祝溫公無返洛，且看裴令再支唐。
秋風卽日能蘇病，且夕還宜理繡裳。

蓬萊香案望如仙，陸九蒙知在少年。
印解司農猶仰屋，身離樞府尚籌邊。
誰將決勝規諸葛，詎屑登樓擬仲宣。
一裏葭芴公座待，江淮且報靖烽烟。

感事五首

嶺南設版自嬴秦，魁結多年野性馴。
但有鸞佗輸翠羽，詎聞角寶倡黃巾。
嶺南自漢流以來割據間有之中原蓋盜無起兩越者鼠偷原在貪泉側，
虬吠俄來漢水濱。
洪秀

全割越廣東後乃入廣西邊寬入湖南湘北

坐視燎原成浩劫，積薪厝火是何人。

粵西不靖已數年粵撫鄒不以聞達

不可

巍巍黃鶴聳高樓，鎖鑰東南控上游。雷出地中鳴鼓角，雲隳天半

壓城頭。

武昌初陷，保賊用地雷轟塌西城，漢陽同時亦破。

青燐夜照龜蛇尾，白氣晨迷鸚鵡洲。倏

忽金湯填瓦礫，幾時波靜掉扁舟。

百里迴環萬堞橫，前朝恢拓重陪京。龍蟠江表仍王氣，豕突潢池

竟阻兵。玉軸揚灰宵有燄。

賊以書爲薪，焚毀殆盡。

金州流血黯無聲。

滿城倭陷，男婦皆鬪死，無生全者。

可憐一帶秦淮水，猶趁春潮自入城。

長淮巖舶鎮聯翩，那爲江都好夢圓。礮火聲中摧綺閣，兵戈影裏

碎花鈿。平山慘澹啾新鬼，明月幽涼辨野烟。騎鶴仙人應太息，何

堪十萬裹腰纏。

皖公山色早模糊。

安慶先破，晚據蔣尉嘗死之。

淝水重頒使者符。

安慶既陷，移會於廬州。

兵滿八

公皆草木城空百雉付萑蒲

江岷樵中丞與疾轉職入廬州守備軍弱援兵屯數十里觀望不進城遂陷中丞死之

登陴

徒見張髯怒與疾猶聞奮臂呼江令死綏周處隕淮南從此乏良

圖周數條潛帥在淮上抄圍猶未敢肆行

周數條潛帥在淮上抄圍猶未敢肆行

哭祁幼章方伯

大江一夜湧長鯨鍾阜俄屯草木兵棄甲于思歸閣臥

江督陸敗於九江軍躬違回南

京托病堅臥賊踵重圍城斬祛重耳踰垣行

蘇撫楊本駐南京聞江督敗歸棄城急還公遮道痛哭留之不肯離

枉教宗澤吟遺

句

時庫貯肉有十萬餘金江督以札提去賊已隨城降見儲守禦策陸遜不見憤急歸誓啜血數斗頃刻卒

誰許張巡射虜營

殊批有若非

縮邪留蕩尚可稍盡血誠之語

熱血一團應化碧幾時尋向石頭城

公卒後五六日城陷樞埋後園淺土夫人亦殉死至

今均未歸柩

夏日晚坐二首

行役今番歇馬牛高齋習靜響全收雲含殘雨低將暝風送新涼

淡欲秋塗鼠小文迷五色摩淨古帖認雙鈎詩篇但取吟成句誰
愛推敲費苦搜

老來當鬪怯衣單半臂仍須伴素紬走月入雲遲未出稀星窺戶
久相看蠹魚只合書中死鵝蚌何勞壁上觀刈葑烹葵堪一飽此
生長缺不輕彈

城居悶甚偶行郊外有喜

性僻由來耽野趣城垣遮斷意茫然忽開青眼瞻林壑乍喜紅塵
隔市塵山臥宿雲淹曉日樹藏深陽試炊烟老來唯恐少情味到
處尋詩豈是偏

劉魯齋大令以午節詩見寄依韵戲和

村祠早過馬頭娘節至天中比正陽却怪人間誰作俑唯聞艾氣

欲流芳蓄來藥籠無三歲見別蘭庭又一方鬱鬱神荼應協力祓

除好爲護門堂

艾人

彈鋏長歌莫更論蘭池曲沼植仙根依蒲幾輩邀天寵仗劍何人
報主恩繞指化柔悲越石中情已怯笑王孫秋風卽日能添勁三
尺提携靖海垠

蒲劍

縹絲方賀婦功新虎變俄然技已神煖室三眠纔試浴寒林一嘯
忽驚人伏波常誠畫圖誤王顯何堪品服眞十萬貔貅應敵愾莫
將兒戲試經綸

關虎

世事已同風馬牛畦丁何事便相求如匏應繫不材木喘月難行
陸地舟牛畝荒園酣雨露一犁瘠土老田疇無勞叩角歌長夜不
羨人間萬戶侯

茄牛

題靈遊溪畫松和原韵

秃爪蒼鱗自倚天，春花何處鬪嬌妍。
孤高只許明蟾照，醜怪端應野鶴憐。
石友荒寒長伴影，竹孫小弱未齊肩。
濤聲隱隱生虛壁，恍在空山落日邊。

和泗心梁子足夢中句元韵三首

夢中好句見規摹，道氣深沈渾智愚。
司馬朴誠自天性，元龍豪氣未全殊。
已平厓岸借塵俗，終露昂藏笑小夫。
頻欲就君消鄙吝，衰年頗憚道途迂。

紛紛世態儘難摹，此叟何妨辱以愚。
自笑裴休真措大，敢誇臣朔與人殊。
乘軒有鶴原叨忝，撫枕聞鷄亦丈夫。
白首竟成村學究，書生面目本來迂。

五禽遺法手重摹人笑衰翁意獨愚已解安心師慧可何勞問病
遣文殊彭殤自合歸司命矍鑠猶堪作役夫日月跳丸何太速乘
閒搜句莫嫌迂

和梁泗心宿彭孫卦山書院二首步元韵

分襟將廿載魚雁結歡欣因作遂初賦重聯大雅羣棣花雙接萼
蘭袖兩含芬坡穎遙相望徘徊嶺上雲
邛君樂幽討遠迹卦山邊萬柏翳丹嶂一亭低綠天風來沁香氣
月照洗塵綠蠟屐如能到思嘗墜露鮮

七夕

天上逍遙纔一日人間倏忽已經年如何夜夜常相會猶悵銀河
少渡船

飛來烏鵲自填橋露冷衣輕環佩搖脉脉兩情相望久何能無語
度良宵

瓜果鋪陳炷瓣香引針穿線女兒忙牛郎只道蓑衣好巧思何曾
到七襄

纖月西沈影漸低暫時離別不須悲玉關一去無消息萬戶砧聲
訴阿誰

入伏後兼旬不雨劉月齋大令設壇步禱甘霖立沛詩以誌
喜

酷暑連旬炎氣多歐公軫念慨無禾拜章暗洒蒼生淚步禱偏從
赤日過驟湧黑雲飛霹靂旋傾碧落瀉江河歡聲雷動橫汾畔齊
獻神君孔邈歌

衰翁苦熱鎮行吟無術招涼汗浸淫
蔭陽君真同樾樹兩人何幸到枯林
蕭齋八尺風漪展蒲屋千簷濁酒斟
願祗郟郊三晉普他年重話舊棠陰

懷人三首

有序

設帳平遙齋居閑靜迴憶昔年同硯
三友遠在京華愛而不見情見乎辭

張豫菴吏部

天末懷人秋月明久居京邑憶張衡
山公啓事三銓蕭潘縣栽花百里清
白首郎曹淹宦迹黃花晚節淡詩情
外君彼此頻相喚花甲週迴歲又更

白蘭巖祠部

才調香山妙軼倫致身清切近楓宸形庭獻賦徐兼庾粉署分曹
冬復春驥足終當開道路鳳毛且喜掌絲綸綿田却憶談經處樹
色山光迹未陳

張漢槎水部

文章樂府困青衫鉄硯磨穿劍出函鸞掖詞章留舊價鳴鳩官屬
有新銜朱絲比直音偏古玉尺無瑕品不凡砥柱狂瀾君莫讓肯
隨下瀨颺輕帆

服先兄年逾七十生子喜賦

果然佳夢叶熊羆乍展來函喜溢眉人到古稀多鶴髮天教有後
育麟兒啼聲雄壯神全足頭角崢嶸骨自奇錯寫弄璋君莫笑最
難好事到吟髭

廉吏江州司馬公箕裘付託紀羣同在原每歎頭俱白跨竈常憂
火不紅忽報新蕘生老樹却教喜氣健衰翁竹林尙有藏書在盼
爾垂髻五尺童

題吳梅村詩集四首

長慶新辭入管絃歌殘簫史唱圓圓千秋才調推元白未必前賢
勝後賢

秣陵重到長荆榛掩淚題詩妙入神一代興亡誰訴說故留天寶
舊宮人

鉄崖未許白衣還詩卷淒涼涕欲漕高節才名兩相累悔拋薇蕨
在西山

讀罷遺編字字珠一錢不直莫嗟吁江南自有詩人墓蔓草荒烟

望泖湖

攬鏡瘦甚自嘲

看鏡衰顏忽自驚
稜稜傲骨此枝撐
瘦生恰好偕梅婦
肉食何因到管城
白髮尋人如有約
黃花似我亦多情
近來頗解吟詩苦
飯顆山前掉臂行

鯨飲多年不計觴
中廚斫脔膏粱偶然止
酒師彭澤却便長齋
似太常戲作五禽扶
老憊倦如獨鶴任相
羊癯仙正好居山澤
瓠白何須羨飯囊

寄懷陳劍侯觀察

蕭然琴劍寄并州
李廣功成竟不侯
三晉雲山頻駐馬
一官飄泊似輕鷗
何時桂水浮仙棹
且向苔岑話舊遊
休憶秦淮鳴咽水
好似

傾濁酒慰羈愁

欲携姬人赴館因無屋而止月齋大令與諸紳士相商苦蓋
數椽感而有賦二首

斗室聊堪十笏量殘書拉雜滿繩牀抗顏儘可嘲韓愈舉案何由
著孟光令尹招賢開廣厦居停好客搆山房腐儒未稱緇衣什慙
愧臬比坐講堂

欲徵熊夢勉隨時椎髻簪花亦自宜大令情多桃葉渡香山年邁
柳枝詞花間滌硯翻紅袖燈下縫裳理細絲幸得藏書留別院生
羨一任曉風吹

哀平陽

愁雲暗淡風酸烈鷄犬無聲烟火絕夜來寒月照空城惟見縱橫

拋白骨驅車欲進馬不前填轍骷髏粘亂髮我聞此地古堯都勤
儉俗與他方殊浩劫胡爲不擇地三萬男女一日磨傳聞閭左有
鄭姓編管嶺南及寬政導賊來此肆荼毒磨牙大恣虎狼性一夫
自復睚眦仇萬家遂併嬰孺命臨汾屠者鄭福犯罪充廣西軍投入賊嗚呼蘊
而生孽非一朝元元阨運竟難逃生聚十年誠不易活我餘黎在
大僚

秋寶三兄殉難平陽賦二律哭之

半生未煖舊寒氈又向燮宮執豆籩

君以廉貢授例得訓導歷署多任迄未
得補癸丑七月委署平陽府學訓導

首

藉闌千方對案萑苻嘯聚忽生烟

君履任三
日而賊至

援無蟻子孤城破

時平陽
城中止

有英

百餘軀類鴻毛一笑捐有子執戈能罵賊

少子八十
隨君殉難

忠魂依結到黃泉

紛紛白骨盡填渠慘淡空城鬼一車

平陽屠賊最慘
死者一萬餘人

血濺宮牆猶化碧

君曼子
死學宮旁

魂歸箕尾自浚虛清銜已錫三廳上

贈國子
監學正

世賞仍延百代

餘世襲
騎尉

戴笠舊盟徒悵悵奠君斗酒重歎歎

余與君爲總角之
交同筆硯者數年

戒酒

東坡十詩九言酒其實量小不容斗乃知酒是詩人料何嘗濡筆
定濡首淵明一生惟耽此摘菊宅邊杯在手遠公蓮社苦相邀一
聞戒酒攢眉走迨後乃有止酒篇或亦未嘗謀諸婦我與麴生素
莫逆五十年中不相負浮白飛觴那計巡醉後懸河奔出口邇日
衰殘肺病多河魚腹疾時有生平酒徒半陳人獨酌徘徊苦無
友舉杯邀月月不來芒角槎牙攢枯朽本欲消除萬斛愁翻令愁
腸迴且九不如暫免醉鄉遊君子之交淡可久從此酒惟詩裏見
危言聊引龜堂叟

抵館後得友人書數十緘，懶於作答詩以謝之。

雙魚珍重屢相投，作答因循見恕不。
買菜詎嫌公府掾，種瓜休說故時侯。
白雲可悅難持贈，青眼高歌且罷休。
待我新詩成卷帙，不妨重覓寄書郵。

聞安姬病弱，瘦損勢將不起。

夭桃初放雨烟和，飄落無端奈若何。
弱柳搖風原力少，幽蘭泣露况愁多。
劇憐秋圃銷黃蝶，無復春山畫黛蛾。
一瞥因緣如泡影，朝雲空自念東坡。

西風淒淒翠眉顰，一片浮雲寄此身。
已老春蠶絲未斷，將歸秋雁語猶頻。
眼中未見紅顏改，夢裏依然玉體陳。
休悵從今生死隔，姍姍立望更何人。

甫抱衾裯遽別離行人目斷淚偷垂完他未了三生債換我無題
數首詩薄倖知難逃怨語沈綿猶自數歸期何時澆酒東原上三
尺孤墳二尺碑

曇花一現忽彫零悵望簷前三五星攬鏡我本頭已白捧巾却怪
眼偏青人間那得回春樹水畔難收逐浪萍嗟自無情情泥我半
窗落月夢初醒

讀王阮亭詩集

一代咸韶備五音無非雅瑟與清琴獨將神韻標真諦挂角羚羊
何處尋

東門報怨嗤秋谷南部爭強笑子才撼樹蚍蜉空費力問誰彈指
現樓臺

紛紛祧宋復宗唐平等看來集衆長
探得百花崖密熟蜂房何處更尋香

右丞獨擅詩中畫八百年來誰與倫
讀得漁洋蠶尾集始知畫裏更添人

七言絕句妙如仙供奉龍標讓後賢
煮茗焚香吟一過洽洽天半七條絃

或云學杜或云非拋却筌蹄逸與飛
獨有吟鞭到秦蜀少陵結伴許同歸

生平推重虞山叟秣爲詩名賴彼傳
却似謫仙逢賀監鏡湖那得比青蓮

詩到新城第一流二王才調逸無儔
西樵自是豪吟客其奈東坡

遜子由

彭詠我司空拜協揆之命寄詩致賀

欣聞甌卜已登庸布路沙隄共幾重夜聽仙音宮樹發朝看金帶
院花濃共傳中國相司馬喜見南陽起臥龍滿目嗷鴻都望歲願
公早就富民封

絲綸閣下擅文章清切才高鷓鷯行內相人皆稱陸贄尙書誰敢
比黃香籟邊夜召衣霑露憂國年多鬢染霜爲祝堂餐湏努力時
方多難賴康強

黃巾擾擾遍南東吳楚蒼黎水火中出柙何人嬉乳虎荷戈幾輩
化沙蟲淮西獻賊湏裴相貝水平妖待潞公戰勝廟堂知不遠捷
鸞飛報小旗紅

八閩猶記使車巡
玉尺量材長短均
碧海搜奇沈密網
紫陽遺緒見功臣
姚崇自是匡時相
絳老甘爲就役民
一臥空山忘歲月
無勞冠劍拂清塵

重陽遣悶

滿城涼雨正瀟瀟
有客行吟破寂寥
詎有黃花和露摘
空憐白髮任風飄
秋情每悵人千里
令序惟酬酒一瓢
門外催租聲不到
裁詩強自慰無聊

憶昨從軍駐太行
高秋兩度遇重陽
連營戲馬霜華白
乘障登高木葉黃
行炙健兒能劍舞
飛觴豪客有詩狂
光陰迅速如彈指
此日題糕又一方

悼安姬

姬鳳州人不知姓名之
曰安喜即以安爲氏

證果無由問宿緣
巫山雲斷化爲烟
小星纔照羅幃裏
未到天邊月再圓

桃蘇髻子挽初成
爲惜梅花太瘦生
可奈東風纔一度
香魂飄墮悄無聲

殷勤早起點茶湯
紅袖仍添午夜香
回到維摩方丈室
散花何處嗅餘芳

枯楊猶自盼生荑
恰好吳娘正及笄
蘭夢不成成噩夢
醒來落月伴烏啼

醫方頻換效茫然
聞道花枝瘁可憐
無計返魂徒悵望
空將落葉聽哀蟬

紙閣蘆簾傍小齋
藏春別院早安排
秦准未許吟桃葉
一水盈盈

願已乖

西崦漸迫歎衰遲
鬢素焉知屬阿誰
占我墳傍一抔土
免教白傅放楊枝

眉嫵何管手自描
初來却憶尙垂髫
韋郎已向風塵老
難說他年待玉簫

戲題終南採芝圖

在閩時偶購此軸
繪鉅公題咏甚多款曰吉甫
仍是閩中貴胄但未詳爲誰
戲題四絕

此中佳處少人知
角綺當年杖履隨
一自紛紛開捷徑
山頭無復產靈芝

萬疊仙霞埤海環
如何寄輿在秦關
閒煞武彝偏不到
却携蠟屐借他山

雲氣遙連鳥鼠秋
蒼厓古木帶溪流
遊仙自有新詩在
何必靈苗

費苦搜

憶昔乘輶赴蜀中終南佳氣望空濛吟鞭一指匆匆過那得仙芝
到藥籠

書扇寄增張少董

良緣締就鎖鴛鴦正喜門楣賴有光却憶垂髫憐左女空教坦腹
羨王郎百年已訂朱陳好兩姓人將樂衛方他日昌黎有遺集還
須李漢爲收藏

九月望前得月

連宵風雨過重陽乍捲陰雲見月光撲樹神鴉催落葉叫空孤雁
帶新霜頻搔白髮秋將老小摘黃英菊有芳却憶南征營幕冷寒
衣幾處到江湖

邢縣懷古

誰堪羈縲老風塵十九年來閱苦辛
三士之中推舅氏兩言可寶
在仁親設謀已幸誅蠶妾與塊
何妨拜野人表裏山河今未改
徐溝祠廟又重新

舅祀

搏虎何憂力不勝
炎精已熄又將興
應聲忽奮車前戟
然腹俄看市上燈
鑄錯祇因遲赦令
燎原那復見觚稜
當塗易代關天數
莫爲中郎獨拊膺

王子卿

典午應推第一流
支撐半壁賴紆籌
問關捧表來江左
慷慨興師壓上游
却笑王敦如夢裏
終看蘇峻望山頭
獨憐絕裾留遺憾
親舍遙遙在北州

溫太真

台鼎三溫重帝京
出羣才調讓飛卿
八叉空汲龍門浪
一第終艱

雁塔名作達古今名士習論詩中晚俗人輕義山雅可稱瑜亮宗

派西崑子細評

溫飛卿

借書

一官誤我走天涯遠別書城散五車此日從頭開卷帙蠹魚穿穴
已成家

編摩無復費冥搜過眼烟雲任去留休笑一瓠太微薄須知不是
借荊州

解館將歸戲作

自笑雕蟲技已疏縱橫勒帛漫相於非關見獵心猶喜此是顏公
乞米書

一飽依然仰硯田敢嫌脩脯太寥寥從前愧煞雙鷄膳日對流亡

食俸錢

壽陽相國以櫻桃亭詩集見寄詩以謝之

盛世元音見午亭太行佳氣鬱空青試從北幹尋支派綿蔓盤迴
第五陁

曲江風格倡三唐少達多窮說已荒相業詩名兩相稱壽陽端合
比歐陽

巨川濟了作虛舟一品詩篇自校譬何日高吟歸綠野雜花疏樹
繞櫻桃

才盡江郎舌尙存學吟敢望涉籬藩詩僧若許騎驢過尙欲推敲
月下門

歎老

如馳歲月任蹉跎鏡裏頭顱奈老何短髮自憐知白少衰顏只爲
洗紅多百年生事穿書蠹半世功名赴火蛾濁酒一觴聊獨進參
橫月落且高歌

擬休洗紅二章

休洗紅洗多紅色變止見紅入水不見紅上練箱中檢出嫁時衣
古時衣樣女兒讖

休洗紅洗多紅盡脫魚餒不如菜裘破不如褐君看裙屐少年場
老人行步笑郎當

弛酒戒戲作

麴生向我言與君本膠漆胡聽萋菲詞云我能作疾疾疚由寒暑
何爲罪酒國試問古仙人壽考無短折靡仙不飲酒一醉生羽翼

曹瞞小丈夫惜費說酒德豪哉孔北海抵書正其失竹林有高賢
阮劉曠無匹韜精惟賴酒亂世免荆棘陶公典午英清風百代式
無日不重觴任眞常自得太白酒中仙醉協清平律東坡飲不多
把杯轉親暱其在簪纓士名譽常修飾自恐失儀容號啶免戒飭
君今六十餘仕宦遭三黜幡然老禿翁筆耕非肉食縱或修小名
詎復一錢值醉臥酒家壚誰屑加訶叱君又喜漢書時時手自乙
下酒醉相宜無酒恐蕭瑟君近好爲詩撚髭吟不輟斗酒入枯腸
能助生花筆百利無一害胡爲見遺軼我愧麴生言謝之以長揖
與君修舊好壺觴時在側

冬日夜坐

煨爐檮杌餓將闌老去方知歲易寒作雪未成雲意冷敵風無力

客衣單鷺鳩自得榆枋樂暇鮪安知江海寬執卷高吟聲動壁孤
燈欲燼夜漫漫

六十二歲生日張豫菴梁彭孫張漢槎白蘭岩寄壽屏致祝
同學諸子并集用放翁六十二翁吟元韻

一年又到早寒天斗室還如不繫船有舌尙存論今古無官那復
羨神仙蕭騷白髮成何事孤負青春劇可憐醉裏重尋香國夢梅
花萬樹晚山前

錦屏緘寄小陽天雒誦如登春水船大筆縱橫金馬彥揮毫洒落
玉堂仙圖謀不朽竟安在刻畫無鹽祗自憐寄語故人須努力時
方多難且居前

將赴平陶余大令小欄以詩贈行依韻和之

人非偶世夙餐霞覓句行吟書滿家老鶴一鳴靜鴉雀清琴微服
洗爭琶貯囊端合裁文錦籠壁還須用碧紗圍險爭奇吾所怖騷
人香草自傳芭

琴堂人散靜無塵厨傳蕭然不道貧沱水波瀾飛作雨臺山冰雪
煖回春但憂民膜時披牘一任飢腸自轉輪輿論他年傳史筆如
公吏治合書循

漫許耕夫曳杖從誰知仙吏是儒宗非公未見澹臺至懸榻還當
孺子容已幸收羣除害馬頗看詩筆矯游龍汪倫送我情千尺勉
和篇章興未慵

強設臯比汾水東輪蹠往復苦忽忽說詩自愧非匡鼎好酒何妨
效孔融差喜竹林無貴仕更欣梓里被仁風蘇髯倘寄新詩到燒

竹文同一笑中

自題種松小照

昔人閉戶著書早種松皆作龍鱗老我此蒼顏亦種松非關鉛槧窮幽討憶我生時感慈夢益植小松供三寶

自注會生時先母種太夫人夢人贈益植

小松置佛座前先師闕樹先生爲命別號曰松菴

科名仕宦兩平平徒愧出山爲小草中

年似續頻關心捧壺子立縈懷抱偶然作此種松圖意望萌芽發叢葆迄今白髮已披肩未見呱呱覓梨棗每顧此圖一慨然涼德自慙申默禱無後之愆難謝責敢怨天公同伯道數卷殘書付有人梯發枯楊亦自好

正月立春雪後適平遙館

河冰未泮便征輪襪被登途及早春殘雪在山晴露脊峭風吹野

溼無塵生平行路輕千里老去驅車怯
浹旬猶有殘書盈數篋爲
酬載酒問奇人

簿書拋却攤皋比荒落應嗤沒字碑
空撫懸腰三尺劍終輸補履
一錢錐蠶鹽風味今猶昔竹帛功名夢亦癡
差喜詩情時欲動巡
檐鎮日撚吟髭

古意

倚戶望行人行人逝不留料到前途去
含淚屢回頭
寄書苦不達况乃鴻與鱗倘有平安報
付與有心人

二月朔晨起仍雪

爭奈朝花事寥寂一天風雪散瓊瑤
應嫌朔地春光冷萬樹梅花
落九霄

閨怨

燕姬擁髻住高樓
遊子聞箏去復留
自是無心思故里
教人却怨寄書郵

過野史亭

在忻州隰岩村

繫昔遺山遭國變
白衣行哭歸鄉縣
滄海橫流身不死
兵火餘生存
矚硯女貞建國年
近百詩翻不乏金
閨彥中都已棄
汴京焚累朝無復存
文獻遺山乃構野史亭
河朔篇章蒐羅遍
中州一集存
巨編微寓褒譏留
小傳頓使金源生
顏色不與夏遼同
鄙賤人代茫茫六百年
滄桑變革如流電
訪尋亭址早無存
惟見春來秋去燕好事
幸有汪使君名本直忻州牧野外一椽爲重建
僅留短碣標亭名
竟無祠宇開別院
我思雁代古邊陲
長槍大戟誇豪健
溯從漢魏

迄三唐太原以北無詩卷閒氣蟠鬱生異人杜陵英魄一朝見白
虹紫氣吐眉睫扛鼎十年力不倦鞭笞靈怪入肝髀右手風霆左
霜霰睥睨陸范俯虞楊山魅野魑揮以扇石嶺雲霞發光彩開寶
元音今再見我昔乘傳錦官城浣花草堂開夕宴東坡祠宇太白
樓詞客常將蘋藻薦獨有遺山長寂寂難與社公分麥飯村氓那
解重詩人語及姓名不知羨安得賢牧如汪君爲構祠堂澆薄奠
驚蟄微雨

春仲得微雨飄蕭洒半空暮寒仍作雪雲漬不搖風河朔方耕野
江淮尙伏戎普天思小憩默禱望年豐

次日早晴

入夜雨成雪其薄不盈寸朝暝暖氣蒸簷水滴深院土氣沁清香

柳條餘綠線近午有蜂來吟聲覺歡忭萬物乘四時迴環機不倦
觀化及芳春此心多所羨

讀李太白詩

我讀太白詩如與仙人語袖中出明月清光照天宇獨立蓮花峰
帝座近尺許不辨下方人攢眉互爾汝杜陵疲老翁頗堪作徒侶
摩天兩赤幟亭亭自千古

平陽行爲韓生作

名世昌字文
百臨汾縣生

白日陰霾鼓聲死黃巾匝地流洪水十里之城百人守萬賊環攻
如蟻子韓生措大老且聾懷奇負氣非貪功爲捍粉榆矢節概魯
連乃在圍城中虵蟻援絕孤城破劇賊殺人手頻唾慘若刳羊與
屠豕血湧街衢萬屍臥維時韓生走上城追者在後手無兵氣竭

昏倒女牆側羣賊瞥過目若盲醒來蹙蹙上城樓烟火未熄青燐
遊夜半潛踪飲行潦不托一梅何處求絕糧五日留殘喘梟鳴鬼
哭賊氛遠下城匍匐亂屍中餓血紛紛見鷄犬歸到村墟妻子怪
相持痛哭旋稱快已拚瓦礫覓殘骸豈料生還甚矣憊韓生多年
工鐵筆斯籀奇文窺秘密挾技遨遊諸侯間時有侯鯖供旅食卽
今白髮已披肩縱飲高談強有力我因教授來平遙與生邂逅喜
其豪奇人奇事動詩興春霄剪燭作長謠

春夜聞雁憶陳秋門

春宵寂寂月孤明嘹唳賓鴻又北征九轉湘灣誰送別一行邊柳
最關情稻梁雖美非吾土障塞頻來莫問程江漢故人書不至似
聞楚尾未銷兵

青雀篇

青雀來西方翔集房櫺端主人性仁愛飼養同鷓鴣黃花雜麻子
堆積溢銅盤雀感主人惠鳴聲常告歡飛集衿袖間依依刷羽翰
突有少年兒張弓發彈丸中雀雀未死負創入林巒林巒幽且僻
固無異患干惟念主人恩中夜鳴聲酸欲矢銜環報微軀恐不完
雲中盼庭院滴淚落花欄

房烈婦行

有序

烈婦姓李氏嫁於房居介邑之義棠鎮家貧以縫紉資生鄰
有惡少挑之婦罵之去恐其復至藏小刀袖中惡少果至裸
體逼之婦奮小刀刺其腹惡少負痛逃婦以目覩裸形不堪
其辱誓必死鄰婦解勸不聽乘間倒投水甕死有兒未離乳

不之顧也異哉與虢州參軍之婦爭烈矣作房烈婦行以紀其事

勁草生岩阿不畏終風疾美玉投泥中不變瑾瑜質烈哉房氏婦
縫紉居蓬華鄰家惡少年斜盼涎殊色游語試相挑霜面詈狂賊
意恐去復來短刀袖藏密狂且心不死蹈隙橫入室哭罵鄰不聞
裸體遽相逼大呼出短刀奮手刺其腹狂且負痛走淋漓血噴溢
鄰里驚相問婦乃仰天泣身雖幸無玷玷已在兩目目覩無禮形
瞑目事乃畢倒投水瓶中一死甘如蜜呱呱黃口兒拋棄不遑恤
事聞例得旌綽楔樹道側拘得惡少年實之三尺律我昨聞其事
喟然爲心惻正氣塞天壤終古未嘗息匹婦拚綱常奚事通文墨
詩有死厲篇風化良可述我是舊史官表揚宜載筆

題韓支百印譜

中山毛穎舊同方視已茫茫髮已蒼
自歎中書今老秃羨君鐵筆有光芒

鹽法多年已失傳操刀競逐野狐禪
瓣香誰嗣三橋法却在河汾一曲邊

劉月齋大令招飲大醉詩以謝之

孤懷鬱鬱爲誰開下榻陳蕃喜暫陪
踏破菜園羊入夢傾翻酒海蟻浮杯
樽前現在還堪鬪琴有成虧莫漫猜
吐盡狂言三尺喙玉山自倒不須推

講堂初成階前植雙柏

檀藥雙影露初含嘉樹珍於優鉢雲
參得庭前柏樹子何如彌勒

竟同龕

側葉翩翩綴細枝
參天黛色定何時
鏡中白髮今如許
却似香山種荔枝

題韓支百自修家譜

三晉初分勢莫強
昌黎魏國耀軒裳
羞從鼎族稱華胄
不愧當年狄武襄

虎口餘生念水源
且修譜牒隱鄉園
公侯復始尋常事
他日還開駟馬門

晚春眺望

城中二月尙無花
紅杏緋桃隔晚霞
寒食過時飛柳絮
春波落後長蒲芽
衰年未敢疏裘褐
率土何嘗靜鼓笳
白首頻搔曾感慨
徘徊

猶天未數歸鴉

燈下讀書偶作

彳亍行吟幾暮朝百年身世總迢遙鏡中自笑鬚眉古儿上空憐
髀骨消起舞昔曾同祖逃酣眠今秬學邊韶書城幸有藏身地良
夜編摩轉斗杓

登尊經閣望南山

無樹鳥不歌無山雲不駐僅有月與星仰觀時得晤我本山中人
性喜山中住開目見林巒欣然愜幽素高吟二謝詩曠懷起遐慕
一從居城中眸子限跬步拘如鳥入籠窘若猿遭鉏庭中植花草
未逢時雨澍枯萎無顏色吟玩難成句傑閣創何年高以尋丈度
拾級試一登驟喜得奇遇南山自東來蜿蜒向西鶩狐岐現隱隱

綿霍紛錯互嵐氣暗夕陽歸鳥破烟霧頓覺心神豁恍若逢其故
遐想山谷中樵牧應無數坐臥泉石間豈解尋幽趣我今望見之
如飲金莖露縱目既無涯尋詩亦有路趑然喜足音聊作登高賦
足夢中句

短衣匹馬罷遊行枕藉殘書了此生寶劍七星懸在壁休教夜半
匣中鳴

贈董覺菴

世間誰復似君閒出岫孤雲自往還偃臥虛齋惟讀書行吟空谷
爲看山囊中時有清新句夢裏從無得失關野史遺亭應咫尺溪
毛一握試登攀

和董覺菴留別元韻

耿耿疏星見少微
山川深處隱光輝
吟鞭一路閒行去
携得雲烟滿袖歸

立秋後早甚

夏季纔一雨
入秋仍亢陽
花焦空汲水
樹遠不招涼
苦熱詩情短
愁眠夜話長
豐穰安敢望
中稔顛穹蒼

登閣晚眺

高閣凌城郭
秋原見一斑
遠峰窺睥睨
晚夕照媚孱
顏鳥倦還投樹
人閒總讓山
何當構茅屋
臥起翠微間

山勢如奔馬
安然閱古今
田緣坡阪上
石冒蘚苔深
雲臥真人想
巖栖靜者心
尋源探勝水
憶昔濯清泠

勝水出孤岐山頂
介休賞數數往遊

蠶魚二首

化生偏解嗜多文，寢饋縹緗閱典墳。
愧我多年拋卷軸，深知書味不如君。

錦繡笙歌孰啓函，與君相見半青衫。
人間那得神仙字，常近文章已不凡。

王雁汀中丞授四川節度賦以贈別四首

勞心撫字閱三年，蟋蟀遺民戴二天。
野化鳴梟林藪靜，田無碩鼠黍苗全。
杜鵑聲裏俄聞喜，竹馬兒曹盡擲鞭。
宰相迴翔徒悵望，憑誰借寇且遷延。

大旆翩翩赴益州，夢刀人自羨公侯。
秦中稅駕甘棠遍，蜀道褰帷棧樹稠。
持節坐頒嚴武令，籌邊重葺贊皇樓。
遙知賓佐開筵日，定有晴虹入酒甌。

七閩作吏識風標養望東山幾暮朝四海蒼生思謝傅九天丹詔到王喬錢刀屢費司農計襦袴頻聞下里謠此日油幢更西去州民揮淚望雲輶

前番乘障率偏師正值劉琨按部時匹馬獨行周要隘雙魚類到授機宜南山射虎殘年在西道鳴鸞幕府移工部草堂如許借元戎小隊入新詩

落日

落日淡秋雲波紋起皴皴登高試縱目遙見秋山瘦遲月月未出
暝色蒼然湊

李朋南以鵝毛茵見惠詩以謝之

老骨支離怯雪霜故人雅意惠重將菟裘已感綈袍意鵝毳於今

又疊牀

輕於飛絮軟於絲雅合鷓夷號子皮醉臥只疑雲霧裏那知窗外朔風吹

煖氣周遭勝綠熊遮寒却笑肉屏風梅花入夢知多少睡覺三竿日已紅

坡老風騷久築壇一詩纔換兩尖團衰翁那有如仙句賺得蒙蒼過歲寒

四絕句不足酬也再用柏梁體三十韻贈之

鴛鴦盤空入高冥極目望之如小星搏擊惟有海東青一瞥刺空刷健翎利爪如刃嘴如釘呼號隱約猶可聽半天飛洒血點腥一團白雪墮沙汀番兒啖肉煮以銅馬湮釀酒罄其瓶空留毛毳光

晶瑩輕如飛絮未化萍捆載入邊千里經裝成茵褥勝肉屏柔如
女手舒娉婷煖如朔地醉醪醞嗟我鶴骨支伶俜每過天寒戶早
肩布衾蠟縮常惺惺晨鷄未唱瞰窗樞李君好我久忘形遣我兜
羅光瓏玲解衣一臥目欲瞑夢入華胥狎仙靈飯時呼起猶未醒
不知門外雪盈庭溫柔似此可延齡漢帝胡爲溺尹邢酬君詩句
愧撞莛惟有寸心常鏤銘

張詩胎侍郎於甲寅二月由關中入覲路出忻州寄詩代柬
余素不工詩久未屬和戊午在平遙館中度歲晴窗清暇檢
得前詩步元韻寄之

大雅今無匹何緣獲下交敲門僧遇鳥避雨客逢茅飲餞招豪士
分襟悵遠郊執鞭徒有願倦鳥已還巢

豪翰傳家學詩壇更首登高吟和鳴鳳健筆下秋鷹劍服嗤莊叟
仙舟望李膺掌珠今又獲啼笑情可勝

人日偶成用工部追酬高蜀州人日寄元韻

人日拈毫思有作意渺然殊落落鬢飛白雪耳鳴蟬頭顧自歎
今非昨憶昔壯遊江海間鷓鴣自謂翔寥闊每將道義勵時人好
究古今談大略一從屏迹入深山閉戶草玄甘寂寞止有閒心辨
魚豕何曾倦眼開鷓鴣半世知交屈指論晨星寥落幾人存音書
已自沈郵驛兵戈况未洗乾坤每笑塞翁多得失乃瞻衡宇載欣
奔書求善本親讐字盜植幽花獨掩門埋頭鉛槧情無厭數座臬
比道亦尊如此安身計亦得何須有子爲招魂

門人曹定齋贈曹素功舊墨一匣詩以謝之

曹生贈我九丸墨啓函斑爛多古色圭璧菱花各異形小兒轉睛
發黝黑素功造墨比庭珪舊作於今已難得驥子獲自長安中貽
我臨池揮醉筆我拙如鶩不工書姓名差記嘲墨豬飄鸞泊鳳何
曾解春蚓秋蛇定不虛佳墨允堪充寶玩羨茗焚香陳几案古澤
自可瑩心神劣書何必汗毫翰曹生靜者意常恬養疴閉戶晝垂
簾兩世藏書多善本頻年插架標牙籤千金散盡錢刀乏萬卷橫
排部署嚴書田却比稼田好坐擁百城堪待老劉蕡雖已謝科名
元方已自多文藻留君此墨思假年待我玄成還用草

丁巳平遙館中度歲植水仙數本立春盛開酬以四律兼索
和於同人

風襲雪虐正交加却遇仙人萼綠花翠帶參差攢葎葉素馨流溢

澗梨花圍爐底用添香篆瘦椀惟應啜苦茶是我歲寒方外人
間富貴不須誇

霞潭異種海濱來錦石瓷盆手自栽箭茁紅蘭包玉朵根埋銀蒜
孕瓊胎三冬愛日窗前曝一夜春風座上開爲覓同心聯臭味巡
簪索笑有寒梅

洗盡鉛華迥出塵三神山下問前身移情海上留琴操微步波間
賦洛神不作妖斜羞媚世獨標淡素自宜人扁舟若使逢陶峴供
養還如禮上真

陶峴自置一舟泛遊江
湖吳越之士號爲水仙

眞靈位業不尋常一勺清泉瓦硯旁雪案裁詩閒對影晴窗摹帖
靜聞香天寒未許蜂衙鬧禪定無勞蝶夢狂試上蒲團參妙諦溫
柔何異白雲鄉

讀杜詩

太白詩如仙工部詩如神與仙異趣體物太無倫星辰下精氣
嶽瀆動殷麟揮毫百靈集窮幽萬鬼馴雲車謁閭闔氣象干天人
一呼風雨至動植隨之新聰明且正直所憂國與民哀吟夢魏闕
涕淚憫孤貧與仙雖異路於人轉益親馨香延百世位業此爲真
二月初旬寒甚

積雪全消春水生薄冰連日又凝晶空梁未見尋巢燕凍柳難招
出谷鶯稍喜陽和蘇病骨那無烟景助詩情脂車好待清明後定
有風花送我行

白駒過隙暮還晨彈指年光近七旬山木祇應防自寇枯楊何意
又回春文章未古休論價卷帙難拋且拂塵但得安心如慧可不

妨帶索老長貧

晴窗偶吟寄梁泗心昆仲

小窗來旭日晴暖自相宜滌硯凹痕溼焚香篆字奇春風回暮氣
鳥語問新詩步履知何往吟成寄所思

大風寒甚

風寒常鍵戶兀兀此閒身慮淡都緣懶詩清却賴貧煎茶煨獸炭
倚枕側烏巾寢饋殘書在何勞問夙因

嚼糠詞

有序

晉裕儉嗇石嶺關以北寒瘠尤甚豐年亦雜糠粃司牧者宜
念之也

富食米貧嚼糠細糠猶自可粗糠索索刷我腸

初碾者爲粗糠
再碾者爲細糠八

斗糠一斗粟

俗稱爲
入兌一

却似搏來沙一掬亦知下咽甚艱難且用療
飢充我腹今年都道秋收好固有餘糧園有棗一半糠粃一半米
婦子欣欣同一飽昨行都會官衙頭粒米如珠流水溝對之垂涎
長歎息安得淘洗持作粥

馱炭道

有序

石炭似煤而有烟太原以南煤炭兼產關北則有炭而無煤
五臺南界產炭山路高險俗呼馱炭道民間農隙皆以馱炭
爲業余所居之東冶鎮其聚處也自幼目覩艱辛雜方言作
馱炭道

隔巷相呼犬驚擾夜半驅驢馱炭道驢行黑暗鐸丁東比到窰頭
天未曉馱炭道十八盤羊腸蟠繞出雲端寒風塞口不得語啓明

十丈光團鑿蜜盤已見人如蟻燒得乾糧飲滾水兩囊盛滿捆驢
鞍背負一囊高累累馱炭道何難行歸時負重來時輕人步偃僕
驢步碎石頭路滑時欲傾日將亭午望街頭汗和塵土面交流忽
聞炭價今朝減不覺心內懷煩憂價減一時猶自可大雪封山愁
殺我

聞客談南中事

游魂尙未脫黃巾千里江流映碧磷淮蔡何人方李愬潯陽猶自
阻盧循蕭條林木巢春燕咫尺清波憫涸鱗八載宵衣勞聖主徒
聞送喜萬方頻

歸里有期

作客平生慣蓬廬置若忘有時歸故里轉似赴他鄉渡想滄沱淺

關愁石嶺長一芽初試抱却笑瓦同璋

上年七月生一女名
曰松芽余猶未見也

二月二十日自賈令早發

旅榻眠難穩驅車賦北征曉風吹馬足殘月咽鷓聲道里非云遠
衣囊况復輕歸時春欲暮花柳笑相迎

己未元旦

改歲年年事居然氣象新靜中有孩意物外得閒身馬齒頻加長
鴻鈞又送春江淮當戰罷都作太平人
息影三年久閒與懶並尋殘書拋復拾好句茹還吟目送惟雙鶴
身衰賴五禽淡然忘百慮何處更安心

贈薄石農姊丈四十韻

乾坤有清氣不賦裘馬人其所私授者孤介與清貧淵明倡其先

子美步後塵太白號謫仙鯨波葬其身昌黎豪傑士崛起當衰晨
嶺表兩竄遂數與死爲鄰其門有郊島韓公嘗引仲島由髡得官
主簿長江濱東野號寒蟲啓口多戲噉佐幕方捧檄遽死未拖紳
其詩特峻削三唐罕與倫一鳴如老鶴可以靜殷麟一自昌黎死
覆瓿已千春東坡詩中豪苛論獨斷斷鄙之爲小魚荒穢孤芳湮
遺山後來秀仇孟如越秦直冒爲詩囚不止話畦畛從茲東野詩
騷壇無復珍定襄有畸士文慧來夙因其於古作者溫故能知新
白首困棘闈恍憐一頭巾生性不諧俗炯炯目有神獨好東野詩
自云此問津其詩兼韋柳唐宋往來頻當其得意處往往露性眞
學孟蓋謙耳亦以吐嶙峋與余孩提長重之以姻親趨庭相後先
詩禮兩人均我幸得一第君仍此遭迤我昔官嶺嶠君來到海垠

忽忽二十年鬚髮俱如銀迨我歸故里昔年人多陳君獨支瘦骨
過從及良辰却似枯籐杖人啣骨相屯獨餘此清氣猶復解吟呻
兩耳聾已久雷霆誓不聞與君不能談枯筆代齒脣君覽輒大笑
妙論響然臻久病能不死其年天所伸願君保耆艾長爲八百椿

寄贈王靖廷

有序

靖廷與予素未相識介老友平陽韓君寄素紙一幅倩予作
書韓君來札詳述靖廷之爲人予不工書走筆爲長篇塗其
紙以却寄

王子太原秀淡靜如列仙萬卷撐胸腹不取人間錢昨者嘗出山
襟被遊幽燕將揮白羽扇靜掃江淮烟解裝未弔月慨然遽言旋
買書控驢背歸來耕綿山難弟夙同志二陸皆稱賢將以著書老

無復履市塵聞我老而秃筆耕穿寒氈遐寄尺素紙令作筆墨緣
我書拙如鴛蛇蚓相牽連無以答君意泚筆爲詩篇我未識君面
君友嘗後先石州吾畏友訂交松柏堅古學有三君

石州與河間苗仙
露道州何子貞太

史張子尤便竟以坎坷死宿草久芊綿曙後惟一星念之每淒

然生平所著書散佚已不全獨存遊牧詛嘔心事槩鉛道州何太
史曾許爲雕鐫太史旋輜車近聞已歸田此稿未付梓常恐遂棄
捐又有王喬者

王藝友大令
山東安邱人

循廉萬口傳小學最精審段氏愧慮前

所著許慎書彙纂富簡編壽陽祁相國貽我巨橐纏讀之欲下拜
自嗟已暮年倘或天假我猶欲事鑽研兩君我所畏王子聲氣聯
觀人視所友何必共賓筵居隔百餘里魚雁可傳箋相見或有日
欣慕聊執鞭

贈董覺菴

一覺遽然萬事忘，莊周蝴蝶兩荒唐。從今悟得人間世，收拾雲山入錦囊。

嗜好原非世所諳，臥遊虛壁湧烟嵐。試將尺素臨窗寫紅樹，中間畧小菴。

門人冀子以正奉母命修族譜，偕諸昆至鄔原祖塋抄墓碑，碣得千餘紙，嘉其用意之勤，揮長歌贈之。

豐碑古爲懸棺設，漢氏旣東鑄以文。前有中郎後太傅，魯重禮器傳八分。曲阜孔氏尼山裔，宙彪兩碑體如雲。自從前魏迄明代，古時碑溢滿秋墳。翁仲倒地華表折，草木陰翳轟飢鬣。片石強半欹，且臥牛羊礪角何紛紛。風摧雨駁無完字，埋沒荒穢野火焚。搜剔

薛苔良不易况乃千百多如麀晉國冀氏本華胄缺也破狄立奇
勳卻氏驕奢獨先覆別支冀氏揚清芬介休之冀籍臨晉趙宋中
葉徙河汾漢代鄆城昔成聚冀族居之多榆粉別支由鄆遷辛武
瓜瓞綿如詩所云族大丁繁年代隔欲修譜牒苦絲棼冀有賢母
伏波裔敬宗收族意常勤飭令諸子尋碑碣遍去鄆原習勞筋荆
棘鈎衣露溼胛常從昧爽至夕暝燐火夜飛星點亂鬼車號哭聲
悽焄抄得殘碑成譜牒一編縹帙香藏芸晨羞捧復高堂命母氏
加餐意所欣我聞此舉爲起立堪厲薄俗如勸紘冀宗昌熾未有
艾况有白眉更超羣千佛名經終有分焉能區區守一芹爲作長
歌操左券秋風鵬鷲佇先聞

晚年生子

夜半厲生子求火恐似已我今殊不然似我亦足矣錢刀不可貪
布衣卽屬美但能爲端人乃翁應色喜

詩集卷上

二頁 十五行小注獨秀峰秀字誤入左行 十九行二十行小注饋誤當作陽朔縣城在

江岸兩峭壁夾之譚樓榜曰觀江亭 四頁 二十一行小注邵郭改郭邵 五頁

五行小注姿改姿 十行小註右行請字改請字 七頁 一人字衍 五行附改

附 九頁 一行五首改六首 十三行割字以下另行 十二頁 十二行樂改樂

十三頁 二十一行幾改幾 十四頁 四行類改應 十五頁 十六行博改

博 十九頁 二十行城改城

詩集卷下

一頁 四行梅花一作楊花 二頁四行阡改陽 二十二行小注湘南湘北湘改湘

八頁 七行任改步 九頁 二十二行龜改龜 十頁 二行樓改頰 十五行

我本二字改自嗟 十六行嗟自二字改我本 十五頁 二十一行疾改疾 十八

頁 十行朝花改花朝審寂改寂審 二十五頁 九行駕改駕 二十七頁 七行

妖改天 二十八頁 九行裕改俗 三十二頁 八行耘改耘

爾澳幽并涼三州今地考略 二頁 四行小注目改目 十四行捫改捫 七頁 十九行小注宜改宜 九頁

四行小注過郡行行字改五字 十一行五改四 二十五頁 十七行今甘肅旬今字

上宜加○ 二十六頁 九行小注左行安古古字改定字 十三行小注拉替拉三字

衍 二十七頁 十一行小注靜寧縣縣字改州字 三十二頁 九行小注右行關

改閱 三十九頁 九行團改團